



CONVENIO DE COLABORACIÓN ENTRE A CONSELLERÍA DE CULTURA, COMUNICACIÓN SOCIAL E TURISMO E O CONSORCIO DE BIBLIOTECAS UNIVERSITARIAS DE GALICIA PARA A UTILIZACIÓN DO LOCAL QUE SERÁ A SEDE DO DEVANDITO CONSORCIO

En Santiago de Compostela, a seis de novembro de dous mil dous


REUNIDOS

Por unha parte, o Excmo. Sr. D. JESUS PEREZ VARELA, Conselleiro de **Cultura, Comunicación Social e Turismo**, actuando en nome e representación da Xunta de Galicia, en virtude do seu nomeamento polo Decreto 308/2001, do 15 de decembro, e das facultades atribuídas no artigo 34 da Lei 1/1983, de 22 de febreiro, reguladora da Xunta e do seu Presidente, modificada pola Lei 11/1988, do 20 de outubro, e o artigo 2 da Resolución do 8 de abril de 1991, pola que se publica o Acordo do Consello da Xunta de Galicia do 27 de marzo de 1991.

E por outra parte, o Excmo D. Eduardo García-Rodeja Gayoso, Presidente do Consello de Goberno do Consorcio de Bibliotecas Universitarias de Galicia, CIF Q1500279C, actuando en nome e representación deste organismo, acorde có acta de constitución de data 29 de novembro de 2001.

Ámbalas dúas partes, no nome e representación que ostentan e coa capacidade legal para este acto,

MANIFESTAN

- 
1. Que con data do 18 de outubro de 2001 a Consellería da Presidencia e Administración Pública, a Consellería de Educación e Ordenación Universitaria, a Consellería de Cultura, Comunicación Social e Turismo, a Sociedade Anónima Centro de Supercomputación de Galicia e as tres universidades de Galicia asinaron un



convenio de colaboración para a creación do Consorcio de Bibliotecas Universitarias de Galicia, autorizado polo Consello da Xunta do 11 de outubro de 2001.

2. Que mediante Resolución do 14 de novembro de 2001 se ordena a publicación do citado convenio de colaboración asinado o 18 de outubro de 2001 e dos estatutos do Consorcio de Bibliotecas Universitarias de Galicia.
3. Que nos estatutos do citado consorcio, na disposición xeral 1.5. cítase textualmente "O Consorcio de Bibliotecas Universitarias de Galicia terá a súa sede no "Centro Superior Bibliográfico de Galicia" situado na Rúa do Hórreo, nº 61 en Santiago de Compostela.

Por todo o exposto, ámbalas dúas partes asinan o presente convenio con arreglo ás seguintes

CLAUSULAS

Primeira.- A Consellería de Cultura, Comunicación Social e Turismo, sendo propietaria do edificio situado en Santiago de Compostela na Rúa Horreo, nº 61, comprométese a que o Consorcio de Bibliotecas Universitarias de Galicia poida facer uso do local que se detalla no Anexo I, para establecer a sede do devandito consorcio.

Segunda.- A Consellería de Cultura, Comunicación Social e Turismo farase cargo da adecuación e mantemento das instalacións (con cargo á aplicación orzamentaria 10.01.351 A 212.00 da Secretaría Xeral da Consellería de Cultura, Comunicación Social e Turismo), así como dos gastos de luz e auga do edificio situado en Santiago de Compostela na Rúa Horreo, nº 61, que se efecturarán con cargo á aplicación orzamentaria 10.01. 351 A 221.00 e 10.01. 351 A 221.01 respectivamente, da Secretaría Xeral da Consellería de Cultura, Comunicación Social e Turismo.

Terceira.- O Consorcio de Bibliotecas Universitarias de Galicia adquirirá o mobiliario e equipamento que precise para o desenvolvemento dos seus servizos bibliotecarios.

Cuarta.- O Consorcio de Bibliotecas Universitarias de Galicia farase cargo dos seus gastos de telefonía, habilitando unha partida orzamentaria para tal fin.



Quinta.- O Consorcio de Bibliotecas Universitarias de Galicia comprométese a seguir as pautas marcadas pola Dirección Xeral de Comunicación Social e Audiovisual, a través do Centro Multimedia de Galicia, ubicado no mesmo edificio da rúa do Horreo nº61, en canto á configuración e infraestrutura da rede.

Sexta.- O presente convenio producirá efectos dende o día da súa sinatura e manterá a súa vixencia durante un ano e considerarase prorrogado automaticamente por período similar salvo que sexa denunciado por algunha das partes cunha antelación mínima de 2 meses antes da súa finalización.

Sétima.- O presente convenio poderá extinguirse por:

- Mutuo acordo entre as partes
- En caso de incumprimento por algunha das partes dos compromisos adquiridos no presente convenio
- Revogación da Administración dacordo co disposto no artigo 125 do Regulamento de Patrimonio da Comunidade Autónoma de Galicia, aprobado polo Decreto 50/1989, do 98 de marzo.

Oitava.- O presente Convenio terá natureza administrativa e corresponderá os órganos da Xunta de Galicia resolve-las dúbidas que plantexe a súa interpretación, previa audiencia da outra parte, e á xuridición contencioso administrativa o coñecemento dos litixios que do mesmo poidan derivarse.

En proba de conformidade e obrigándose ó seu cumprimento, asinan o presente documento no lugar e data indicados.

Excmo. Sr. D. Jesús Pérez Varela

Conselleiro de Cultura, Comunicación Social
e Turismo

D. Eduardo García Rodeja-Gayoso

Presidente do Consorcio de Bibliotecas
Universitarias de Galicia

